

DEKRETUA Zk. 2572/25

Merkataritza-, ostalaritza- eta zerbitzu-sektorearen lehiakortasuna hobetzeko eta sustatzeko diru-laguntzen 2025eko deialdia onartzeko agindu du Merkataritza Arloko delegatuak.

AURREKARIAK.- Erandioko Udalaren diru-laguntzak arautzeko ordenantzarekin, Administrazio honetan aplikatuko diren marko juridikoa eta irizpideak ezarri nahi izan ditu Udalak.

AURREKARIAK.- Udal kontu-hartzailearen izapidean, 2025eko uztailaren 16koan, dirulaguntza deialdi honetarako aurrekontu-kreditu nahikoa dagoela adierazten da (RC-220250007027)

OINARRIAK.- Erandioko Udalaren dirulaguntzak ematea arautzen duen Ordenantza Orokorra Herritarren Lan-Arloa, 2023ko abenduaren 21eko Bizkaiko Aldizkari Ofizialean argitaratua (243. zenb.) eta 38/2003 Legea, azaroaren 17koa, Diru-laguntzei buruzko Orokorra.

OINARRIAK.- Ondorengo legeetan xedatutakoa: 7/85 Legea, apirilaren 2koa, Toki Araubideko Oinarriak Arautzen dituen; 781/86 Errege Dekretua, apirilaren 18koa; eta 4/99 Legea (Administrazio Publikoen Administrazio Prozedura Erkideari buruzko urriaren 1eko 39/2015 Legea aldatzen duena).

Ondokoa onestea **ERABAKI** du:

MERKATARITZA, OSTALARITZA ETA ZERBITZUEN SEKTOREKO ENPRESEN LEHIAKORTASUNA HOBETZEKO DIRU LAGUNTZAK ARAUTZEKO OINARRIAK ETA 2025eko DEIALDIA

LEHENGOA. ATARIKOA.-

Erandioko Udalak garrantzi handiko lana egin du bertako merkataritza-, ostalaritza- eta zerbitzu-sektorea bultzatzeko eta sustatzeko, Merkataritza Sailaren bitartez.

Oraingoa, urrats bat gehiago eman nahi du Erandion diharduen merkataritza-, ostalaritza- eta zerbitzu-sektoreari zuzendutako udal-politika eta -zerbitzuen esparruan, lehiakortasunari lotutako hainbat beharrian aurkitu baitzituen 2017ko Erandioko Merkataritza Biziberritzeko Plan Berezian (PERCO). Horregatik guztiagatik, Udalak sektore horien lehiakortasuna eta berrikuntza hobetzeko diru-laguntzak arautzeko oinarri hauek abiarazi ditu, sektore horien dinamizazioa eta sostengarritasuna bultzatzeko.

BIGARRENA. ARAUDIA.-

Honako hauetan xedatutakoa bete da:

- 38/2003 Lege Orokorra, azaroaren 17koa, Diru-laguntzei buruzkoa (2003ko azaroaren 18ko BOE)
- 887/2006 Errege Dekretua, ekainaren 21ekoa, Diru-laguntzei buruzko Lege Orokorraren araudia onartzen duena (2016ko uztailaren 25eko BOE).

HIRUGARRENA. HELBURUA/XEDEA.-

Oinarri arautzaile hauen helburua da merkataritza-, ostalaritza- eta zerbitzu-sektoreko mikroenpresei laguntza ekonomikoa ematea, beren lehiakortasuna hobetzeko.

Ondorioz, oinarri hauen xedea da itzuli beharrik gabeko diru-laguntzak ematea, honako jardunbide honi zuzenduta: "Merkataritza, ostalaritza eta zerbitzuen sektoreko enpresen lehiakortasuna hobetzeko diru laguntzak", merkataritza, ostalaritza eta zerbitzuen sektorekoak diren Erandioko mikroenpresak hobetu, berritu, modernizatu eta berriztatzeko.

LAUGARRENA. ONURADUNAK ETA BALDINTZAK.-

Oinarri hauetan araututako laguntzak ("Merkataritza, ostalaritza eta zerbitzuen sektoreko enpresen lehiakortasuna hobetzeko diru laguntza") honakoek jaso ahalko dituzte: pertsona fisiko edo juridikoak, legez sortutakoak, Erandioko eraikinetako lokal finkoetako establezimenduetan jarduera dutenak, eta merkataritza-, ostalaritza- eta zerbitzu-sektorean dihardutenak.

Horrez gain, honako baldintza hauek ere bete beharko dituzte:

- Mikroenpresak izatea.

Oinarri hauei dagokionez, mikroenpresak dira 10 pertsona baino gutxiagoko enpresak, urteko 2 milioi eurotik gorako negozio-bolumena edo balantze orokorra ez dutenak (2014ko ekainaren 17ko BATZORDEAREN 651/2014 (EB) ERREGELAMENDUAREN 1. eranskinaren 2.3 artikuluan zehaztutako definizioaren arabera).

- Irekitzeko lizentzia edo jardueraren aurretiazko jakinarazpena behar bezala eginda edukitzea.

- Administrazio Publikoekiko eta Gizarte Segurantzarekiko zerga-betebeharrak eta beste betebeharrak egunean edukitzea. Erandioko Udalarekiko zerga-betebeharren egoera Merkataritza arloak berak egiaztatuko du.

Honako hauek ezingo dute oinarri hauetan araututako diru-laguntzarik jaso:

- Diru-laguntzei buruzko Lege Orokorraren (azaroaren 17ko 38/2003) 13. artikuluan zehaztutako kasuetakoren batean dauden enpresak edo erakunde eskatzaileak.

- Irabazi asmorik gabeko elkarte eta entitateak, Administrazio Publiko, sozietate publiko eta horiei lotutako edo horien mendeko entitateak, eta zuzenbide publiko bidez sortu edo zuzendutako enpresak.

Onuradunek laguntza-programan parte hartzen duten aldi osoan bete beharko dituzte oinarri hauetan araututako baldintzak.

BOSGARRENA. DIRUZ LAGUN DAITEZKEEN EKINTZAK ETA GASTUAK.-

Merkataritza, ostalaritza eta zerbitzuen sektorekoak diren Erandioko mikroenpresak hobetzeko, berritzeko, modernizatzeko eta berritzatzeko inbertsio-proiektuak bultzatuko dira.

Eskatzaile bakoitzak eskaera bakarra egin dezake.

Diruz lagun daitezkeen gastutzat hartuko dira honako inbertsio hauek, baldin eta udalerrian egiten edo garatzen duen jarduerarekin lotura zuzena badute:

a) Ekipo informatikoak, aplikazio informatikoak eta kudeaketa-softwarea, Ticket Bai sistemarako fakturazio-softwarea barne.

b) Saltokietako terminalak, erregistratzaileak edo antzekoak, kode-irakurgailuak eta etiketa-sistemak.

c) Web-orriak edo web-inguruak garatzea, betiere, online salmenta baimenduta badago, eta online salmentarako beste gune batzuetara esportatzea.

d) Enpresa-jardueraren kudeaketan IKTak ezartzeko zerbitzu profesionalen aholkularitza-zerbitzuen ordainsariak.

e) Jendeari irekitako lokala eraberritzeko obrak, baldin eta jarduera modernizatzea edo handitzea, energia-eraginkortasuna hobetzea edo lokalen irisgarritasuna hobetzea badakarte. Proiektu teknikoak idazteak eragindako gastuak sartzen dira.

f) Erakusleihoak eraberritzea, establezimenduaren kanpoko estetikan eragin positiboa izan dezan, establezimenduaren erakusleioa eta argiztapena ikusten utziko duten pertsiana motordunak instalatzea barne.

g) Jendeari irekitako establezimenduetan jarduera garatzeko altzariak, makineria eta ekipamendua

Hirugarrenei laga gabeko elementu berrietan egindako inbertsioak izango dira, kontraprestaziodunak ala ez, eta enpresa eskatzaileak berak egin edo komertzializatu ez dituenak.

Honako inbertsio hauek, berriz, ez dira diruz lagunduko:

- a) Lokalak eta eskualdatzeko eskubideak erostea.
- b) Garraio-elementuak erostea.
- c) Telefono bidezko terminalak erostea.
- d) Ekipamendua leasing edo renting bidez erostea.
- e) Garraio-kostuak, aseguruak, administrazio-baimenen, lizentzien edo antzekoen, zergen edo zergen ondoriozko tasak.
- f) Aktibo baten elementuak mantentzeko, konpontzeko edo ordeztzeko gastuak.
- g) Softwarea mantentzeko eta eguneratzeko gastuak, betiere TicketBai sistema ezartzeko ezinbestekoak ez badira.

SEIGARRENA. AURREKONTU-ZUZKIDURA.-

Deialdi honetarako (2025eko ekitaldia) gehienez hogeita mila (20.000,00) euroko zuzkidura dago, 2025eko udal-aurrekontuko 31 4314 47112 diru-partidaren kargura.

ZAZPIGARRENA. DIRUZ LAGUN DAITEKEEN ZENBATEKOA.-

Diruz lagun daitekeen inbertsioa guztizkoaren % 25 izango da.

Erabilgarri dagoen kontu-saila ez baldin bada oniritzia jaso duten eskaera guztiei erantzuteko adinakoa, diru-laguntzen portzentaje hori eskatzaile guztiei jaitsiko zaie, proportzionalki.

Eskatzaile bakoitzak gehienez 1.000,00 euroko diru-laguntza jaso dezake.

Inbertsioak diruz laguntzeko modukoak izateko, eskatzaile bakoitzeko 300 euroko onartutako inbertsioak izan beharko dira, gutxienez.

Diru-laguntza kalkulatzeko, kontuan hartuko da inbertsioen erosketa-balio garbia, hau da, balio erantsiaren gaineko zerga kenduta fakturatzeko den zenbatekoa.

Soilik diruz laguntzeko moduko aktiboak argi eta garbi identifikatuta dituzten fakturak onartuko dira, betiere 50 edo 50 eurotik gorako zenbatekoa badute, BEZa kanpo.

ZORTZIGARRENA. DIRU-LAGUNTZA JASOTZEKO ALDIA.-

Inbertsioak 2024ko azaroaren 1etik 2025eko urriaren 31era bitartean egindakoak izan behar dira, eta horiei dagozkien fakturak eta abonak ere data horien artekoak izan beharko dira, biak barne.

BEDERATZIGARRENA. ESKAERAK AURKEZTEKO EPEA ETA MODUA.-

Eskabidea Erandioko Udaleko Alkateari zuzendu behar zaio. Erandioko Udalaren egoitza elektronikoaren bidez aurkeztuko da, Administrazio Publikoen Administrazio Prozedura Erkidearen urriaren 1eko 39/2015 Legearen 14. artikuluan jasotakoaren arabera.

Eskaerak aurkezteko epea oinarri hauek "Bizkaiko Aldizkari Ofizialean" argitaratu eta biharamunean hasiko da, eta dagokion urteko urriaren 31ean amaitu.

Eskabidea aurkezteak bere oinarriak erabat onartzea dakar

Ez dute inola ere laguntzarik jasoko diruz lagun daitezkeen ekintzak gauzatzeko epea kanpo egindako jarduketek, ez eta eskaerak aurkezteko epea kanpo aurkeztutako eskabideak ere.

Eskaera-orriko baldintza guztiak ez badaude behar bezala beteta, edo ez badute beharrezkoa den dokumentazioa erantsi, erakunde eskatzaileari eskaera zuzendu edo behar diren agiriak aurkez ditzan eskatuko zaio, eta hamar eguneko epea izango du horiek ekartzeko. Horrela egin ezean, eskaera atzera botako da, eta eskaera horren inguruko erabakia emango da beren-beregi, bai eta jakinarazi ere.

Erabakia bi hilabeteen buruan emango da, eskaerak aurkezteko epea amaitu eta biharamunetik hasita, ez bada arrazoi justifikatu bat dela-eta ezin dela epea bete. Horrela izanez gero, erabakia ahalik eta epe laburrenean hartuko da

HAMARGARRENA. AURKEZTU BEHARREKO AGIRIAK

1- Enpresa eskatzaileek udaleko diru-laguntza eskatzeko orria eta beste formulario batzuk bete beharko dituzte, www.erandio.eus webgunean eskuragarri, Diru-laguntzak atalean, besteak beste, honako hauek:

a. Laguntzaren erakunde onuraduna izateari dagokionez erantzukizunpeko adierazpena eta behar bezala sinatuta:

- Honako eskaera honetan agertzen diren datu guztiak benetakoak direla, bai eta berari erantsitako dokumentazioan daudenak ere

- Honako deialdi honetako oinarrietan agertutako baldintza eta betebeharren berri duela eta onartu egiten dituela.

- Mikroenpresak izatea.

Oinarri hauei dagokionez, mikroenpresak dira 10 pertsona baino gutxiagoko enpresak, urteko 2 milioi eurotik gorako negozio-bolumena edo balantze orokorra ez dutenak (2014ko ekainaren 17ko BATZORDEAREN 651/2014 (EB) ERREGELAMENDUAREN 1. eranskinaren 2.3 artikuluan zehaztutako definizioaren arabera).

- Irekitzeko lizentzia edo jardueraren aurretiazko jakinarazpena behar bezala eginda edukitzea.

- Ez dagoela bateraezintasun- eta debeku-arrazoirik entitate eta ordezkaria diru-laguntzen onuradun izateko, Diru Laguntzei buruzko Legeak (azaroaren 17ko 38/2003) 13. artikuluan ezarritakoarekin bat etorritik.

b.- Finantziazioaren inguruko erantzukizunpeko adierazpena, eta behar bezala sinatuta, honakoa adierazten duena:

- Ez duela eskatu edo jaso Erandioko Udalak emandako diru laguntzarekin bateraezina den inolako funtsik.

- Erandioko Udalak emandako diru-laguntzarekin bateragarri diren funtsak edo laguntzak jaso edo eskatu dituela (erakundea eta helburua zehaztu behar dira).

Eskaeran jasotako datuen egiazkotasuna espedientearen tramitazio-aldi guztian zehar egiaztatu ahalko da.

Goian aipatutako erantzukizunpeko adierazpenean agertzen den daturen bat faltua izanez gero, administrazio- zein zigor-araubidearen arabera dagokion zehapena jasoko du.

2.- Enpresa eskatzaileek, eskaerarekin batera, honako agiriak aurkeztu beharko dituzte:

a) Eskatzailea pertsona fisikoa bada: Nortasun agiriaren fotokopia

b) Pertsona juridikoa bada: Identifikazio fiskalaren txartelaren fotokopia, enpresa sortu eta ondoren jasandako aldaketen eskriturak, legezko ordezkariaren NANA eta ordezkaritza-boterea.

c) Jarduera ekonomikoen gaineko zergan alta eta baja emandako ziurtagiria.

d) Gizarte Segurantzarekiko eta Ogasuneko betebeharrak egunean egotearen egiaztagiria.

e) Egindako inbertsioaren azalpen-memoria (enpresa hobekuntzan, -berrikuntzan, -modernizazioan eta -berrikuntzan nola lagunduko duten azaldu beharko da)

f) Diruz lagunduko diren jarduketan behin betiko fakturak eta faktura horiek ordaindu izanaren egiaztagiria.

HAMAIKAGARRENA. PROZEDURA, INSTRUKZIOA ETA EBAZPENA.-

Erandioko Udaleko Merkataritza arloa izango da oinarri espezifiko hauetan jasotako dirulaguntzak ematea bideratuko duen organoa.

Prozedura ebazteko organo eskumenduna Alkatetza izango da.

HAMABIGARRENA. ERREKURTZOAK.-

Ebazpen horrek amaiera emango dio administrazio-bideari. Hala ere, horren aurka berraztertze errekurtsa ezarri ahal izango da berau eman zuen organo berberaren aurrean, hilabeteko epean, ebazpenaren jakinarazpena jaso eta biharamunetik hasita. Bestela, administrazioarekiko auzi-errekurtsa jarri ahal izango da auzitegi eskudunean, 2 hilabeteko epean, ebazpenaren jakinarazpena jaso eta biharamunetik hasita.

HAMAHIRUGARRENA. DIRU-LAGUNTZA ORDAINTZEA.-

1-Dirulaguntza eman zaiola adierazten duen jakinarazpena jaso eta ondorengo hamar egun baliodunetan onuradunak ez badio beren beregi eta idatziz uko egiten dirulaguntzari, onartu egin duela ulertuko da.

Dirulaguntza eman dela jakinarazi eta hamar egun igaro ondoren, Udalak bakoitzari dagokion zenbatekoaren ordainketa izapidetuko du

2-Oro har, eskaera bakoitzeko ordainketa bakarrean ordainduko da diru-laguntza.

HAMALAGARRENA. BESTE LAGUNTZA EDO DIRU-LAGUNTZA BATZUEKIN ELKARTZEA.-

Diru-laguntzak bateragarriak izango dira beste administrazioek edo erakunde publiko edo pribatuek kontzeptu eta xede bererako emandako beste edozein diru-laguntzarekin. Dena den, diru-laguntza guztien baturak ezingo du gainditu oinarri hauen bidez diruz lagundutako inbertsio-proiektuaren kostua. Hori gertatuz gero, emandako dirulaguntza gutxitzeari ekingo zaio dirulaguntza jaso duen ekintzaren kostua arte. Ekintzaren gehiegizko finantzaketa gertatuz gero eta dirua atzera itzuli behar bat baino gehiago izanez gero, Erandioko Udalak egindako ordainketa osoaren arabera dagokion diru kopurua itzuli beharko du erakunde onuradunak.

HAMABOSGARRENA. DIRU-LAGUNTZA ALDATZEA

Diru-laguntzak emateko kontuan hartu diren baldintzak aldatzeak berekin dakar emandako diru-laguntza ere aldatzea, betiere berau emateko ezarritako baldintzak babesten badira.

HAMASEIGARRENA. ERAKUNDE ONURADUNEN BETEBEHARRAK.-

a) Erandioko Udalak egoki irizten dituen egiaztapen-jarduketetarako prest agertzea, eta diruz lagundutako proiektuari buruz eskatzen zaion informazio edo dokumentazioa aurkeztea.

b) Erandioko Udalari berri ematea diru-laguntza emateko aintzat hartutako edozein egoera aldatuz gero.

c) Erandioko Udalari behar adina informazio eta dokumentazio osagarri ematea, diru-laguntzaren eskaera ulertu eta ebaluatu dezan.

d) Deialdi honen ostean, Udalak diruz lagunduko dituen gastu berberetarako beste erakunde publiko edo pribatu batek beste laguntza edo diru-laguntzari eman badio, Erandioko Udalari jakinaraztea. Jakinarazpena idatziz egin beharko da, horren berri izan eta hamar eguneko epean.

e) Dirua itzultzea, baldin eta ez bada betetzen honako deialdi honetan ezarritakoa.

f) Jasotako diruaren inguruko ziurtagiri eta fakturak gordetzea, agiri elektronikoak barne, gutxienez 4 urtez, diruz lagundutako jardueraren azken ziurtagiria jaso eta biharamunetik hasita.

HAMAZAZPIGARRENA. OINARRIAK EZ BETETZEA, DIRUA ITZULTZEA ETA ZEHAPEN-ARAUDIA

Enpresak betebeharren bat betetzen ez badu, diru-laguntzaren eskatzaileari egotziko zaio; diru-laguntzaren kopurua modu proportzionalan jaitsiko zaio edo, hala badagokio, jasotako zenbatekoa eta legez dagozkion interesak itzuli beharko ditu.

Ondoren adierazitako kasuetako bat gertatuz gero, eskatzaileak itzuli egingo ditu jasotako diru-kopurua eta diru-laguntza jaso denetik izandako berandutze-zergari dagozkion kopuruak:

- a) Diru-laguntza jasotzea, eskatutako baldintzak bete gabe.
- b) Diruz lagundutako jardueraren xedea ez gauzatzea.
- c) Oinarri hauetan edo diru-laguntza emateari buruzko ebazpenean ezarritako beste edozein baldintza ez betetzea.

Alkatetza-Lehendakaritzak adostuko du Dirua itzultzeko betebeharra, erakunde onuradunari entzun ostean.

HAMAZORTZIGARRENA. ORDEZKO ARAUBIDE OSAGARRIA.-

Oinarri hauetan zehazten ez diren kasuetan honako lege hauek aplikatuko dira: 2003/38 Lege Orokorra, azaroaren 17koa, Diru-laguntzei buruzkoa, eta horren garapenerako araudia; 2015/39 Legea, urriaren 1ekoa, Administrazio publikoen administrazio prozedura erkideari buruzkoa; eta 2015/40 Legea, urriaren 1ekoa, Sektore Publikoaren Araubide Juridikoari buruzkoa.

HEMEREITZAGARRENA. DATU PERTSONALEN BABESA.-

Diru-laguntza jasotzeko eskaera-orria aurkeztean, erakunde eskatzaileak oniritzia eman eta aitortzen du deialdian eskatutako baldintzak betetzen eta termino guztiak osorik onartzen dituela.

Horrez gain, jakinarazten du eskabidean jasotako datu pertsonalak bere baimenpean hartu direla, eta onartu egiten duela datuok automatizatu eta Udal honek behar bezala baimendutako fitxategietan sartzea. Horrez gain, baimena ematen du datuok udal kudeaketarako soilik erabiltzeko, eta beste Herri Administrazio eta Erakunde batzuei laga edo komunikatzeko, honako lege hauetan agertutako kasuetan: 1999/15 Lege Organikoa, abenduaren 13koa, Datu Pertsonalak Babestekoa; 1720/2007 Errege Dekretua, abenduaren 21ekoa, Datu Pertsonalak Babesteko abenduaren 13ko 15/1999 Lege Organikoa garatzen duen Erregelamendua onartzen duena.

Interesdunek datuak ikusi, zuzendu, ezabatu eta horiei aurka egiteko eskubidea erabili ahal izango dute; horretarako, idatzi bat aurkeztu beharko dute Erandio Udalean.

HOGIEIGARRENA.- Dekretua ondoren adieraziko direnei jakinaraztea: Ekonomia Sustapena, Tokiko Garapena eta Merkataritza, eta Kontuhartzailletza sailei. Era berean, Idazkaritza sailari ere jakinaraziko zaio, kontu hartu eta alkateak zein eskuordetza duten korporazioko kideek emandako Ebazpenen Liburuan jasota gera dadin. Era berean, deialdi honi hedapen izateko Bizkaiko Aldizkari Ofizialean, udaleko web orrian eta iragarki taulan argitaratu beharko da.

Alkateak hala dekretatu eta izenpetu du.

Erandio, 2025eko irailaren 10ea

Alkatea
Aitziber Oliban Gutierrez

(Digitalki sinatua)

KONTU HARTU DUT
Idazkari Nagusia
Eider Sarria Gutierrez

(Digitalki sinatuta)